

## Black Sash e batla hore mmuso o fane ka Tshehetso e sa feleng ya Lekeno la Motheo bakeng sa batho ba dilemo tse 18 ho isa ho tse 59 ba nang le moputso o monyenyanane kapa

Moruo o ntseng o putlama le Covid-19 di entse hore tlhokeho ya mesebetsi, bofuma le ho se lekane di mpefale le ho feta. Mmuso o hlahisitse mehato ya dithuso tsa setjhaba ho thibela sekgahla se sebe sa sewa sena. O mong wa mehato e ne e le tjelete e kaalo ka R350 ya Diphalello nakong ya Covid-19 (SRD) bakeng sa batho ba sa sebetseng, ho kenyeletswa le bahlokamedi, e neng e le thuso e kgolo le kananelo ya mmuso ya hore ba hlokanng mesebetsi ba sitwa ho iphedisa. Ho latela tshusumetso ya mekgatlo ya setjhaba, kerante ena e ekeleditswe nako ho fihlela ka Hlakubele 2024.

## TLHALOSO YA BOHLOKWA!

### TSHEHETSO YA LEKENO LA MOTHEO

Tshehetso ya Lekeno la Motheo ke kerante bakeng sa batho ba dipakeng tsa dilemo tse 18 le 59 ba fumanang lekeno le lenyanane kapa ba sa le fumane hohang maemong ao ho leng thata ho fumana mesebetsi.

### KERANTE YA LEKENO LA MOTHEO E AKARETSANG

Kerante ya Lekeno la Motheo e Akaretsang ke tjelete e lefuwang kgafetsa ke mmuso ho motho e mong le e mong ya dulang Afrika Borwa. Ha ho tsotellehe hore na baa sebetsa kapa ba batla ho sebetsa kapa ha ba batle, hore na ba ruile kapa ba futsanehile, kapa dilemo tsa bona di kae.

TSHEHETSO YA  
LEKENO LA MOTHEO  
HONA JWALE!



## BLACK SASH E BATLA HORE MMUSO

- 1 O Kenye tshebetsong thuso ya ka ho sa feleng ya setjhaba bakeng sa batho ba dilemo di 18 ho isa ho tse 59 ya boleng bo hodimo ba bofuma ba R1,558.00 ka kgwedi, ho kenyeletswa le ba fumanang kerante ya tshehetso ya bana;
- 2 Kgutlisa keketso ya kerante ya COVID-19 ya R250 ka kgwedi le ho e etsa hore e be e sa feleng bakeng sa dikerante tsohle tsa setjhaba;
- 3 Netefatsa hore ditlhoko tse ka hodimo di sebetsa ho baphaphathehi, badudi ba moshwelella, ba batlang botshabelo le basebetsi ba fallang ba nang le diphehiti tse kgethehileng; le
- 4 Sebetsa ho fihlela lekeno la motheo le akaretsang!





## E akaretsang

e lokela ho fihlellwa ke bohle



## Motho ka mong

e thusa batho ka bomong, eseng  
lelapa kapa sehlopha se seng



## E se nang dipehelo

ha ho na maemo ao o lokelang ho  
ba le ona hore o tshwanelehe  
bakeng sa yona



## ka Seriti

Bongata ba lekeno le kenang e tlameha ho  
ba tjelete e lekaneng ho netefatsa hore  
motho a ka ba teng ka seriti le ho kgona  
ho kenya letsoho ditabeng tsa setjhaba

Ka lebaka la hore Afrika Borwa e na le menyetla e fokolang ya mesebetsi bakeng sa batho ba sa sebitseng, re hloka lenaneo le kenyeletsang bohle la tshireletso ya setjhaba le fang batho ditokelo tsa bona tsa mantlha tsa botho. Kerante ya SRD ke sesupo sa hore mmuso o elellwa hore ho thata ho fumana mesebetsi, le hore tlhahiso ya mesebetsi e tlameha ho amahanngwa le ho fana ka dikerante tsa setjhaba bakeng sa batho ba hloakang mesebetsi. Kerante ke kgato ya pele e lebisang lenaneong la thuso ya setjhaba bakeng sa batho ba sa sebitseng, jwale mmuso o tlameha ho sebeletsa ho fihlella Kerante ya Lekeno la Motheo e sa feleng.

## Ditlamo sa molao

Molao wa Motheo ke molao o phahameng ka ho fetisisa wa Afrika Borwa. Mmuso o tlangwa ke molao wa motheo tlasa Karolo ya 27 ya Molao wa Motheo ho tswela pele ho tiisa hore ba sa kgoneng ho iphedisa ba fuwe tokelo ya thuso ya setjhaba. Mmuso o boetse wa dumellana ka molao le Selekane sa Matjhaba sa Ditokelo tsa Moruo, Setjhaba le Setso (ICESCR). ICESCR e kgothaleditse hore "batho ba dilemo di pakeng tsa 18 le 59 ba nang le lekeno le lenyane kapa ba se nang lona hohang ba be le phihlello ya thuso ya setjhaba" le hore mmuso o nahane ka kerante ya lekeno la motheo bakeng sa bohle. Mmuso o tlameha ho phethahatsa melao ena ka potlako!

## ETSA HORE LENTSWE LA HAO LE UTLUWE!

Etela Amandla.mobi ho saena kopo ya rona mme o arolelane metjheng ya phatlalatso ya ditaba tsa setjhaba o sebedisa #18to59 years

Etela <https://www.blacksash.org.za> kapa o romele imeile ho [bis@blacksash.org.za](mailto:bis@blacksash.org.za) ho fumana ka ho eketsehileng

